

# 卷八



書名 庾開府集十二卷 明新安汪氏刊本  
 撰者 北周 庾信 撰, 明 汪士賢 校  
 卷 卷八  
 內容分類 集-別集-漢魏六朝-北周  
 索書號 仁井田-集-N4002  
 編號 D7114600

[彩色首頁1](#)

[東洋文化研究所漢籍目錄 編號: D7114600](#)

[東洋文化研究所漢籍目錄所載典籍善本文影像資料庫 索書號: 仁井田-集-N4002](#)

[漢籍善本文影像資料庫文本庾開府集十二卷 明新安汪氏刊本](#)

[版權所有: 東京大學 東洋文化研究所](#)

[使用上的注意事項](#)

## 庾開府集卷第一

### 賦

周 新野庾 信著  
 明 新安汪士賢校

三月三日華林園馬射賦 并序

臣 堯以仲春之月刻玉而遊河舜以甲子之朝披

圖 巡洛夏后瑤臺之上或御二龍周王玄圃之前


猶 駿我大周之創業也南正司天北正司地平

之 亂定三危之罪雲紀御官鳥司從職皇王有

庾開府集卷第七終

庾開府集卷第七終

庾開府集卷第八



周 新野庾 信著  
明 新都汪士賢校

表

賀平鄴都表

周武帝 建德六年

臣某言 臣聞太山梁甫以來即有七十二代龍圖龜

書之後又已三千餘年雖復制法樹司禮殊樂異至

於文 類聚 離武落剡木弦弧席卷天下之心包含八

荒之志其揆一矣 類聚 伏惟皇帝陛下握天樞秉地

卷第八

軸駕馭風雲驅馳龍虎沉雄內斷不勞謀於力牧天  
策勇決無待問於容成是以威風所振烈火之遇鴻  
毛旗鼓所臨衝風之卷秋葉竊聞伊洛戎夷幽并僭  
僞抱圖載籍已歸丞相之府銜玉繫綬並詣中軍之  
營百年逋誅遂窮巢窟三代敵愾俄然掃蕩昔周王  
鮪水之師尚勞再駕軒轅上谷之戰猶須九代未有  
一朝指麾獨決神平定寓內光宅天下二十八宿  
止餘吳越一星千二百國裁漏麟洲小水若夫咸康  
之年四方始定建武之代諸侯並朝不得同年而語

矣雖復八風並唱未足頌其英聲六俱陳無歌

其神武坐釣臺而誓衆妙啓繼夏禹之功人商郊而  
闕罪姬發成周文之志無改之道大孝也歟當今鹿  
臺已散頃宮已遣兵藏武庫馬入華山立明堂之制  
奏太武之樂盛矣哉上天降休未之有也政須東南  
一尉立於比景之南西北一候置於交河之北然後  
命東后詔蒼冥衢壇琬碑銀繩瓊檢告厥成功差無  
慙德臣忝竊榮幸蒞政東藩不獲躬到闕庭預觀大  
慶不勝鳧藻踊躍之至謹遣主簿陪臣曹敏奉表以

聞

賀新樂表 周武帝

臣等言 臣聞天地順動則雷出爲豫聖人成功則風行有節故六德在咸池之官山谷可調八風入承雲之奏人神不雜我太祖文皇帝體國經野設官分職變魏作周移風正雅衣裳而朝萬國珪璧而會諸侯至如經綸圖籍校讐煙燼樂正無缺章秩宗無廢典豈但商頌十篇得諸太師之室虞書五禮取於恭王之宮伏惟皇帝以下武嗣典中陽繼業運日月之明

動淵泉之慮 歷著微無煩於太史陰陽畧度躬定

於天官故得參考八音研精六代封晉魏爲二王序殷周爲三恪雖服朱干玉戚尚識典刑素鼓纁裳猶因雄據未若山雲特起八卦成形鳳凰于飛九州觀德改金奏於八列合天元於六舞聲含擊石更八登歌調起初鐘還叅玉管足以感天地而通神明康帝德而光玄象昔者齋居玄扈爲曲在於雲門師度盟津習舞歸于山立遂乃包括三名克諧一代作者之謂聖天之所啓乎豈惟路鼓靈鼓空桑孤竹廣矣大

馬負焉是知零陵孝廉空傳玉管始平太守虛  
稱銅 臣等並預鈞天同觀張樂軒墀弘敞欄檻眺  
聽崇牙業 簾趙趙翠鳳揚旌靈翼樹鼓杳冥雲  
霧蕩薄丘陵醴泉與甘露同飛赤鴈與班麟俱下聘  
魯請觀理當見其盛德適齊忘味定是知其盡美昔  
淵魚聽曲尚得聳鱗櫪馬聞絃猶能仰秣臣等誠愧  
知音敢忘悅豫若使詳其音律是所邈然但能記其  
鏗鏘於茲爲幸不勝慶悅之誠謹詣朝堂奉表以聞

爲閩大將軍乞致仕表

後周

臣某言臣聞禮云大夫七十致仕於朝傳家於子膳  
則貳珍衣稱時制臣自出身奉國四十餘年遭遇風  
雲從微至著太祖文皇帝扶危濟難奄有關河臣實  
無堪中涓從事自洛食風塵河梁旗鼓華陰有白馬  
之兵河曲有黃沙之陣臣雖用命不能奇策功薄賞  
厚因人成事恩澤年表常以愧心仰逢周朝以揖讓  
登庸謳歌受命主貴臣遷頻煩榮寵三槐以鑄鼎象  
物知其神姦五等以桓珪飾瑞守其宮室臣以何德  
兼而有之况復水土之職王梁以應讖受徵兵戈之

王韓信以登壇獨拜語其連類臣又何人當今四海未寧三方鼎峙陛下勞心之日羣公展効之秋而臣甲子既多耄年又及無忝賓客之事謬達諸侯之班尸祿素餐久紊彝典負乘致寇徒煩有司加以寒暑乖違節宣失序風水交侵菁華已竭雖復廉頗強飯馬援據鞍求欲報恩何能爲役榮啓期之樂適足自貽燭之武之言無能爲也特乞解所居官言從初服事符骸骨之請非謀几杖之賜若臣比陵移病東臯歸老山河茅社一及司勳公侯珪璧還封典瑞則朝

無冒位之人臣免妨賢之責虞氏養老敢希東序之榮周朝如荼豈望西郊之禮但瞻仰天威方違咫尺徘徊城闕私增悽戀不任知止之情云云

代人乞致仕表

臣遡言臣聞一葉將隕寧待於風露百川皆到自竭者潢汚臣輒感之以悲以咽臣其中謝臣仲春之末舊患漸加雙足頗蹇四支不利扶步有邯鄲之失勉視無離婁之明安可率此留務溷茲恒典陛下恩周曲成未忍捐棄微臣困至於亟轉不堪勝臣所以自

咎自傷淚繼之血臣其中謝臣特承先緒進不因人  
陛下憫臣無用舉直而有顛自奉圖太極宣綽中書  
載踐宗伯出擁干旄入叅衡鏡或雲臺之上微臣預  
疇咨之旨或日觀之下詔臣操刊勒之文美而暢之  
臣實尤忝明憲不敢以纖負玄造竟微於滴助

日月

其如冰炭交集誠懷伏以前陪政事親

荷德音謂臣等經侍軒墀子孫尚延保護臣荷螻蟻

歛戴

一作款  
載非

丘山臣宜生亦盡命死且陳力竊不知

終而不知止朝列三數與臣同儕臣未六十推臣則

幼獨臣彌當

一作  
留

頓頓病不俟年盈量窮涯浦而招

損逾時每乖於勿藥永日猶繫於苞桑覽分必然貪

榮所忌伏乞免臣見職退畢餘生察臣榮不可支矜

臣分不能強迺臣之幸也豈悟仁壽之闕有此一時

承明之廬無緣再謁心神已弊畧刻增悲叨睿鑒則

多士莫先違聖顏則小臣何遠惟冀三條啓道

一作  
路

萬乘巡京悅西怨之群黎逮東風之從者危寬倘駐

枯骨如存是臣之愜非臣所望臣又聞驅奔効駕先

輟於羸駘翔集賀成近遺於鍛翮彼常知暮而况臣  
哉聞未遑請臣之懇戀至於隳官臣合書罪無任戰  
慄戀結之至 太宗

### 齊王進白兔表

臣聞與國欲遠則王虎晨鳴轍迹方開則銀驪入貢  
伏惟陛下明明在上翼翼居尊德動天關威移地軸  
是以風煙照燭毛羽禎祥史不絕書府無虛日臣受  
服元戎用綬邊鄙轅門所屆始次能山前茅慮無乃  
獲白兔光鮮越雉色麗秦狐月德符徵金精表瑞呈

祥輿頒効異披圖尊敬之迹旣明應事之機斯兆臣  
之龔行實從來略瑞以素質彌雉西氣庶重承廟筭  
方事申威揜代偃齊分韓裂趙不任鳧藻踊躍之情

云云

### 齊王進蒼烏表

臣某言臣聞飛南陽之雉尚闡霸圖下建章之鵠一作

鶴猶調和氣况乃虞庭告瑞姬社呈祥咸高識嘯之

心實貴能知之性伏惟皇帝陛下德教百姓孝刑一作

於四海攝提從紀天下文明是以東海輸禽乍改黔



質西山度羽或變蒼精臣去月三十日行到陝州獲  
大都督莫仁回樂列稱於州射堂內見一蒼鳥林薄  
回翔循環不去駐乘木之精轉司風之翼即召儀同  
某甲等同時觀見斯實禮敬所覃孝慈之感理宜歸  
瑞秘圖書祥帝冊用光至德取効升平無令赤鳳留  
止偏爲瘞王之歌玄鶴徘徊獨擅銜珠之舞

齊王進赤雀表

臣某言臣聞南陽雉飛尚論秦霸建章鵠一作鶴下猶  
明漢德當今天不愛寶地必呈祥自應長樂觀符文

昌啓瑞伏惟皇帝欽明文思惟以劬勞成務曆象日  
月允釐百工海水無波天星不動去四月十三日獲  
隴右符府叅軍李暉牒稱戶屬秦州清水郡怕陽縣  
文谷林在家庭獲一赤雀光同朱鳳色類丹鳥降火  
飛精似入公車之府流金成製若上凌雲之臺謹按  
赤雀銜書止於鄠戶周之受命興乎此祥即事所觀  
同符合契實可圖形瑞譜書頌儒林事足成臺名堪  
紀號豈直一作非雲中太守見赤心之奉主蓬萊童子  
知白環之報恩臣等預觀休徵情迫恒慶不任鳧藻

之至

為晉陽公進玉律秤尺斗升表

臣某言臣聞三才既立君臣之道已陳六位時成禮樂之功斯正故以叶和日月測度陰陽悅豫兆人儀刑萬國者也伏惟皇帝應錄馭天披圖受命據太陽而懸像履文昌而建極白環表讓德之符玄珪告成功之瑞太階既平升中可習必當水建千年山稱萬歲伏見勅旨刊正音律平章曆象奏黃鐘而歌大呂變孤竹而舞雲門莫不遠取踈通聲從安樂四分既

明三微且定是以聞鍾於洛浦即辨聲乖聽鐸於邯鄲先知響韻二分二至行於司曆之官九變九成被於中和之職足以動天地感鬼神被風俗平寒暑豈直吟嘯谿谷回翔鸞鳳而已哉是知零陵廟前徒尋舜管始平城下空論周尺臣聞上裂其禮下習其儀君定其法臣行其事謹造玉律一具并玉秤尺斗升合等始得成功至於分粟累黍量絲數籥實以仰稟聖規參詳神思所異節移陰管無勞河內之灰氣動陽鍾不待金門之竹而琬琰事輕般倕慮淺不足展

平成均增輝度量資器奉表以聞

文

移齊河陽執事文

周天和四年四月二十七使將節車騎大將軍儀同  
三司大都督陝西總管府移齊河陽執事自疆場臥  
鼓邊鄙收烽義讓之行未能暮月孔誠誨盜卽值苞  
藏是以板載之師須時而動自安封域非求拒防雖  
復風塵蹙接旗鼓無侵五將卽迴雙嶠已靜始奉朝  
旨獲被一作移書今受叛城使迴車實想彼邊司已  
奉處分既有此還輒須領納未知何日可遣戍兵指  
附行人遲能速報盟且不渝隣境相善顧瞻原野幸  
甚實多故移

同前

周天和四年十一月十日陝州總管長史梁昕移齊  
河陽執事自拭玉繼書通關去傳實謂上方銷劍山  
陽息馬過茲禦客或慢重局屬司疆陰行善盜君一  
一臣二上穆下乖國家以邊鄙心掎須固備守大司  
馬齊國公天子介弟中軍元帥駕馭孫吳驅馳貌虎

舉因農隙義異城郎師巡我境曾非反鄆縮載之畢  
前旗已廻彼國兵馬不防殿後餘塵遂之相接建旌  
一作忠 壘上未及五申安鄴城傍先驚七伏當時鋒刃  
或膏原野所獲彼將夏州刺史梁老首領今以相還  
戶鄉不遠無今久客馬驢甲兵具條相勒封人宜依  
領納宿無鬪志不獲交接綏致此埃塵誰階其咎

移虜留使文

年月朔日某官告配某州郡前本欲發遣彼使但某  
入境以來國祥甫邇自秋迄冬未申款接且狼星表  
邦嚴霜已戒浮河亂濟長路苦寒時當獻歲惟新三  
元告慶珪贄盈庭華裔參軫式觀盛禮洽此嘉譴陽  
和既動澤漸萬邦便當遣使相隨未敦鄰睦故移

銘

秦州天水郡麥積崖山一作佛龕銘并序

麥積崖者乃隴底之名山河西之靈岳高峯尋雲深  
谷無量方之鷲鳥迹遁三一作禪譬彼鶴鳴虛飛六  
甲鳥道乍窮羊腸或斷雲如鵬翼忽已垂天樹若桂  
華翻能拂日是以飛錫遙來英杯遠至䟽山鑿洞鬱

爲淨土拜燈王於石室乃假馭風禮花首於山龕方  
資控鶴大都督李允信者籍於宿植深悟法門乃於  
壁之南崖梯雲鑿道奉爲二父造七佛龕似刻浮檀  
如攻水玉從容蒲月照耀青蓮影現須彌香聞叨利  
如斯塵野還開說法之堂猶彼香山更對安居之佛  
昔者如來追福有報恩之經菩薩去家有思親之供  
敢緣斯義乃作銘曰一作云

鎮地鬱盤基軋峻極石關十土銅梁九息百仞崖橫  
千尋松植一作直陰兔假道陽鳥飛一作迴翼載輦躡山

穿龕架嶺糾紛星漢迴旋光景壁累經文龕重佛影  
彫輪月殿刻鏡花堂橫鐫石壁閣鑿山梁雷乘法鼓  
樹積天香嗽泉珉谷吹塵石牀集靈真館藏仙冊府  
芝洞秋房一作分檀林春乳水谷銀沙山樓石柱異嶺  
共雲同峯別雨冀城餘俗河西舊風水聲幽咽山勢  
崆峒法雲常住慧日無窮方欲芥盡不變天宮

終南山義谷銘并序

周保定二年歲次壬午七月己巳朔大家宰晉國公  
命鑿石關一作開之谷下南山之材維公匡濟彝倫弘

敷庶績燮理餘暇披閱山經以為終南敦一作敦物日

月虧蔽杵幹栢綺桐梓漆年代蘊積于何不有乃

謀山澤之官無引列一作衡虞之匠東出藍田則控灞

乘漚西連子午則據涇浮渭派別八溪流分九谷銅

梁西一作四柱石關一作闕雙啓青綺春門溝渠交映綠

槐秋市舟楫相通蓄之則為屯雲泄之則為行雨青

牛文梓白鶴貞松運以寘一作冥宮崇斯雲屋千櫨抗

殿龍首千雲萬頃踈苗蟬鳴再熟川后讓德山靈景

從豈知運石甘一作舟泉纜通櫟陽之殿穿渠穀水直

繞金墉之城將事未勞為功實重國富人殷方傳千

載因一作功立事敢勒山阿銘曰

寥廓上浮崢嶸下鎮直立一作立壁千丈峯橫萬仞桂月

危懸風泉虛韻乘輿嶺阪舉鍾雲根八溪分注九谷

通源北涵桐一作銅井南浮石門撲一作模象大狀一作橫鴻

河規一作銀繩百堵交一作膠葛九成徘徊千柱桂棟凌

波栢梁乘一作垂雨䟽川剪一作奠谷落實摧柯事均刊

木功侔鑿河 一作皆初學記

王帳山銘一作東宮 王帳山銘

玉帳寥廓崑山抵鵲摠葉成帷連雲一作枝起幕玉策

難移一作王金花不樂隱士彈琴仙人看博巖留舊

鼎雲上一作龜聚新荆煮石初爛燒丹欲成桑田屢變一作

盡海水頻盈一作傾長聞鳳曲未聽蕭聲

一作皆藝文類聚

### 吹臺山銘

江寧吹嶺雖山出筠秦蕭下鳳此岫為真青槐避日

朱草司一作伺晨石名新婦樓學仙人中字王成南君

姓秦一作吳中比花依樹登榭要春舞能留容一作

客聲便度新雕梁數振一作遠無復輕塵

望美人山銘一作後堂望

高唐礙石一作雨洛浦無舟一作州何處相望山邊一樓

峯因五婦石是三侯嶮踰地肺危陵天柱禁苑斜通

春人常一作恒聚樹裏聞歌枝中見舞恰對粧望諸窻

畫一作併開斜看已識直一作試喚便迴豈同織女非秋

不來 一作皆藝文類聚

### 至仁山銘

峯橫鶴嶺水學龍津臨去一片仙童兩人三秋雲薄

九日寒新真花暫落盡樹常春橫石臨砌飛簷枕嶺  
壁繞藤苗窻憑竹影菊落秋潭桐踈寒井仁者可樂  
將由愛靖

明月山銘

竹窻標嶽四面臨虛山危簷迴葉落窻踈看椽有苗  
對樹無風風生石洞雲出山根霜朝唳鶴秋夜鳴猿  
堤梁以堰野路疑村船橫埭下樹俠津門寧殊華蓋  
詎識桃源

行雨山銘

一作梁東宮  
行雨山銘

山銘行雨地異陽臺佳人無數神女看一作羞來翠幔

朝開新粧旦起樹入牀頭一作前花來鏡裏草綠一作色

衫同花紅面似開年寒盡正月遊春俱除錦帔併脫

紅綸天彩劇藕蝶粉生或作多塵橫藤礙路弱一作垂柳

低人誰言洛浦一箇河神一作皆藝文類聚

刀銘三首

風伯吹鑪雲師煉一作鍊冶鐵燄朝流金精夜下價重

十城名高千馬

千金穎合百鍊鋒成光連斗氣燄動山精身文水動



刃古珠生

斗精遙降山靈下從水文千曲蛇鱗百重燕砥歛刃  
蜀水開鋒氣生分景環成屈龍

思舊銘

歲在攝提星居監德一作鶉首梁故觀寧侯蕭永卒嗚呼  
哀哉人之滅一作戚也既非金石所移士之悲也寧有  
春秋之異高臺已傾稷下有聞琴之泣壯士一去燕  
南有擊筑之悲項羽之晨起帳中李陵之徘徊岐路  
韓王孫之質趙楚公子之留秦無假窮秋于時悲矣

况復魚飛武庫預有棄甲之徵鳥伏翟泉先見橫流  
之肇一作北星紀吳亡庚辰楚滅紀侯大去馯子無歸

原隰載馳一作轍轅長別一作往甲裳失矣餘皇棄焉

河傾一作流酸棗杞梓與樗櫟俱流海淺蓬萊魚鼈與

共一作蛟龍共一作並盡焚一作燃香復道詎假遊魂載酒

屬車寧消愁氣芝蘭蕭艾之秋形殊而共一作並瘁羽

毛鱗介之怨聲異而俱哀所謂天平乃曰蒼蒼之氣

所謂地平其實搏搏一作博博之土怨之徒也何能感焉

彫殘殺翮無所假於風颺零落春枯不足頌於霜露

幕府昔開賢俊翹首為羈終歲門人謝焉至於一作反乎

東首告辭西陵長往山陽車馬望別郊門潁川賓客

遙悲愴一作私路稽叔夜之山庭一作廬尚多楊柳王子

猷之舊徑唯餘竹林王孫塋地方為長樂之宮烈士

埋魂即是將軍之墓昔嘗歡宴風月留連追憶平生

宛然心目及乎垂翅秦川關河羈旅降乎悲谷之景

實有憂生之情美酒酌焉猶思建鄴之水鳴琴在操

終思華亭之鶴重為此別嗚呼甚哉麟亡星落月死

珠傷瓶罄壘恥芝焚蕙歎所望鍾沉德水聲一作出

風雲劍沒豐城氣存一作連牛斗潛然思舊乃作銘云

風雲上慘舟壑潛移駸駸霜露君子先危紀侯大去

懷王不返玉樹長埋風流遂遠荀伯舊一作鄉故縣慶封

餘邑萬里歸一作傷魂脩門詎入墳橫一作城連武庫山枕

盧龍思歸道遠返塋無從徒留送鴈空靡長松平陵

之東無復梧桐松聲肅瑟長起秋風疇昔隆貴提携

一作慘舒語默託情稽阮一作琴風雲相得有酒如澠終温

且克朝陽落鳳大野傷麟佳城鬱鬱流寓于秦山陽

相送唯餘故人孀機婺緯獨鳳一作鶴孤鸞閨深夜靜

風高月寒一作風月俱寒生平已矣懷舊一作故何期匣中絃

絕一作斷隣人笛悲昔為幕府今成總帷

一作皆藝文類聚

庾開府集卷第八終

